

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
OPĆINSKI SUD U TUZLI  
Broj: 32 0 St 397856 21 St  
Tuzla, 23.11.2021. godine

**Općinski sud u Tuzli**, sudija Faruk Arnaut, u stečajnom postupku nad imovinom dužnika "MEŠA PREVOZ" d.o.o za prevoz, trgovinu i usluge Tuzla, u stečaju, Marina Glava br.80. Tuzla, odlučujući o prijedlogu za otvaranje stečajnog postupka dana 23.11.2021. godine, donio je sljedeće

## **R J E Š E N J E**

**I-OTVARA SE stečajni postupak nad imovinom dužnika "MEŠA PREVOZ" d.o.o za prevoz, trgovinu i usluge Tuzla, u stečaju**, matični broj subjekta I-13633, JIB: 42099754400006, broj glavnog računa 1941042276600134 otvoren je kod Procredit bank d.d. BiH.

**II-**Stečajni postupak se otvara sa danom 23.11.2021. godine u 15,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

**III-**Za stečajnog upravnika imenuje se. **Nedret Kikanović dipl.ecc., Aleja Alije Izetbegovića 25. Tuzla.**

**IV-** Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

**V-**Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečaju prijavi potraživanja (član 105. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

**VI-**Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

**VII-**Pozivaju se lica koja imaju obaveze prema stečajnom dužniku da ih bez odlaganja izvrše.

**VIII-**Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Tuzli, te kod Službe za geodetske i imovinsko-pravne poslove Grada Tuzla.

**IX-Skupština povjerilaca (ročište za ispitivanje) na kojem će se ispitati prijavljena potraživanja zakazuje se za dan **PONEDJELJAK 17.01.2022. godine u 13,00 sati, u zgradi Općinskog suda u Tuzli, ulica ZAVNOBIH-a bb, KANCELARIJA 138/I.****

**X-Skupština povjerilaca (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka održat će se u **PONEDJELJAK 17.01.2022. godine, na istom mjestu nakon ročišta za ispitivanje prijava potraživanja.****

**XI-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.**

### **O b r a z l o ž e n j e**

Dana 17.03.2021 godine, predlagač “MEŠA PREVOZ” d.o.o za prevoz, trgovinu i usluge Tuzla, u stečaju kao dužnik podnio je prijedlog za otvaranje stečajnog postupka nad imovinom dužnika iz razloga platežne nesposobnosti., temeljem odredbe člana 4 i čl. 6. Zakona o stečaju („Sl.novine F BiH“, br.53/2021).

Nakon razmatranja prijedloga, sud je rješenjem od 31.05.2021. godine, pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe čl. 60., 61. i 63. Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem odredbe čl. 102 stav 1. Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na koje je pristupio privremeni stečajni upravnik i zakonski zastupnik predlagača.

Iz izvještaja privremenog stečajnog upravnika proizilazi da je društvo dužnika upisano u Registru društava kod ovog suda pod brojem I-13633, da je rješenjem ovog suda broj: 032-0-Reg-11-000964 utvrđen prestanak rada društva koje je rješenje pravosnažno dana 08.08.2011. godine. Iz izvještaja stečajnog upravnika proizilazi da društvo dužnika nema imovine, a u pogledu obaveza društva da su evidentirane obaveze po osnovu rješenja o pokretanju postupka prinudne naplate PU FBiH KPU Tuzla od 10.04.2018. godine u iznosu od 20.533,17 KM i obračuna doprinosa i saldo dugovanja na dan 21.10.2021. godine u iznosu od 64.084,16 KM. Društvo je bilo registrovano za obavljanje djelatnosti prevoza, trgovine i usluga. Prema mišljenju stečajnog upravnika društvo dužnika ima dospjele i neizmirene obaveze koje nije u mogućnosti izmiriti obzirom da ne raspolaže imovinom, da su računi blokirani duži vremenski period, te da su shodno navedenom ispunjeni stečajni razlozi za otvaranje stečajnog postupka iz člana 6. Zakona o stečaju u FBiH.

Prema izjašnjenju privremenog stečajnog upravnika, društvo nema platežnu sposobnost, budući da ne izmiruje svoje obaveze u dužem vremenskom trajanju od 60 dana i da su mu računi u dužem vremenskom trajanju od 60 dana u blokadi, da nije u stanju izvršiti svoje dospjele obaveze plaćanja, te da su ispunjeni stečajni uslovi za otvaranje stečajnog postupka u smislu odredbe člana 102. stav 6. Zakon o stečaju.

Na ročištu za ispitivanje uslova za otvaranje stečajnog postupka, privremeni stečajni upravnik je obrazložio nalaz i mišljenje o statusu društva i ispitanim uslovima za pokretanje stečaja, a da bi se troškovi stečajnog postupka mogli finansirati iz preostalih iznosa novčanih sredstava uplaćenih za otvaranje predhodnog stečajnog postupka.

Na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz preostalih sredstava uplaćenih na ime pokretanja prethodnog postupka za utvrđivanje uslova za otvaranje stečajnog postupka u iznosu od 3.000,00 KM, finansirat će se troškovi stečajnog postupka.

Sud je temeljem odredbe čl. 102. stav 4. a u vezi sa čl. 6. Zakona o stečaju odlučio kao u izreci rješenja i odlučio o otvaranju stečajnog postupka.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. . Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjeriocima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108. stav 1. tačka a. Zakona o stečaju.

**STEČAJNI SUDIJA,**  
Faruk Arnaut

**POUKA O PRAVNOM LIJEKU:**

Protiv ovog rješenja žalbu može uložiti stečajni dužnik.

Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 5 radni dana od dana objave rješenja u Sl. novinama F BiH.

Žalba iz prethodnog stava ne odlaže izvršenje rješenja.